

SEDMIČNI PREGLED AKTIVNOSTI SUDA BIH

Odjel I, II i III

(24. – 28. juna 2024.)

- Vijeće Apelacionog odjeljenja Suda Bosne i Hercegovine je, nakon održane sjednice 24.4.2024., otpremilo drugostepenu presudu u predmetu **Predrag Markočević i drugi (S1 1 K 026829 24 Krž 3)**, kojom je odbijena kao neosnovana žalba Tužilaštva Bosne i Hercegovine, te potvrđena presuda Suda Bosne i Hercegovine od 27.11.2023.

Prvostepenom presudom Suda Bosne i Hercegovine od 27.11.2023. optuženi **Predrag Markočević i Marinko Đukić oslobođeni su od optužbe** jer nije dokazano da su radnjama opisanim u izreci presude počinili krivično djelo za koje su se teretili – zločini protiv čovječnosti iz člana 172. stav 1. tačka h), u vezi s tačkama a), e), f) i k) KZBiH, a sve u vezi sa članom 180. stav 1. i članovima 21. i 29. istog Zakona.

Optuženi su se teretili da su u periodu od aprila do kraja decembra 1992. godine, za vrijeme oružanog sukoba u Bosni i Hercegovini, u okviru širokog i sistematičnog napada vojnih i policijskih snaga Srpske Republike Bosne i Hercegovine, a potom Republike Srpske, usmjerenog protiv civilnog muslimanskog i hrvatskog stanovništva sa područja općine Teslić, znajući za takav napad i da njihove radnje čine dio tog napada, Predrag Markočević u svojstvu komandira Stanice javne bezbjednosti Teslić i Marinko Đukić u svojstvu šefa Kriminalističke službe Stanice javne bezbjednosti Teslić, kao rukovodni kadar Stanice javne bezbjednosti Teslić, zajedno s odjeljenjem vojno-policijske formacije pod nazivom "Miće", postupajući s diskriminatornom namjerom, svjesno učestvovali u planiranju, pripremanju i izvršenju progona civilnog muslimanskog i hrvatskog stanovništva općine Teslić na nacionalnoj, etničkoj i vjerskoj osnovi, ubistvima, zatvaranjem i drugim teškim oduzimanjem fizičke slobode, suprotno osnovnim pravilima međunarodnog prava, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede ili narušenja zdravlja.

- Vijeće Apelacionog odjeljenja Suda Bosne i Hercegovine je 23.5.2024. donijelo drugostepenu presudu u predmetu Nenad Radetić i dr. (S1 2 K 044550 24 Kž), kojom su odbijene kao neosnovane žalbe branilaca optuženih Nenada Radetića i Jugoslava Tepića, te je potvrđena prvostepena presuda Suda Bosne i Hercegovine od 28.12.2023.godine.

Prvostepenom presudom Suda Bosne i Hercegovine od 28.12.2023. godine optuženi Nenad Radetić i Jugoslav Tepić oglašeni su krivim što su radnjama opisanim u izreci presude počinili krivično djelo primanje dara i drugih oblika koristi iz člana 217. stav 1. Krivičnog zakona Bosne i Hercegovine (KZBiH), u vezi sa članom 29. KZBiH. Sud je na osnovu zakonskih odredbi, optuženog Nenada Radetića osudio na kaznu zatvora u trajanju od osam (8) mjeseci, a optuženog Jugoslava Tepića na kaznu zatvora u trajanju od šest (6) mjeseci. Istom presudom, a na osnovu zakonskih propisa, od optuženog Nenada Radetića je oduzeta imovinska korist pribavljena izvršenjem krivičnog djela, i to novčani iznos u visini od 100,00 EUR.

Optuženi su oglašeni krivim što su 16.10.2020. na Međunarodnom graničnom prijelazu „Gradiška“, između Bosne i Hercegovine i Republike Hrvatske, obavljajući poslove i zadatke ovlaštenih službenih osoba – policajaca Granične policije BiH, na poslovima granične kontrole osoba i vozila na ulazu iz Republike Hrvatske u Bosnu i Hercegovinu, s namjerom da za novčanu korist u okviru svoje funkcije izvrše ono što ne bi smjeli, zahtijevali i primili dar u vidu novca, i na taj način stranim državljanima omogućili nezakonit ulazak u BiH.

- Sud je 21.6.2024., u predmetu **Ibro Dudić (S1 3 K 048429 24 Eks)** u postupku izručenja potraživanog **Ibre Dudića** po međunarodnoj potjernici NCB Interpola Budimpešta, Mađarska, odnosno potjernici NCB Interpola Sarajevo, raspisanoj u cilju vođenja krivičnog postupka zbog sumnje da je počinio krivično djelo vezano za oružje i municiju po članu 325. (1.d) Mađarskog krivičnog zakonika, a nakon održanog ročišta, donio rješenje kojim je potraživanom **Ibri Dudiću** određen **privremeni pritvor**, koji po ovom rješenju može trajati najduže **18 (osamnaest) dana** od dana lišenja slobode, odnosno do **8.7.2024. godine** ili do nove odluke Suda.
- Sud je 21.6.2024. u predmetu **Bajro Dudić (S1 3 K 048427 24 Eks)** u postupku izručenja potraživanog **Bajre Dudića** po međunarodnoj potjernici NCB Interpola Budimpešta, Mađarska, odnosno potjernici Interpola NCB Sarajevo, raspisanoj u cilju vođenja krivičnog postupka zbog sumnje da je počinio krivično djelo vezano za oružje i municiju po članu 325. (1.d) Mađarskog krivičnog zakonika,

a nakon održanog ročišta, donio rješenje kojim je potraživanom **Bajri Dudiću određen privremeni pritvor**, koji po ovom rješenju može trajati najduže 18 (osamnaest) dana od dana lišenja slobode, odnosno do **8.7.2024. godine** ili do nove odluke Suda.

- Odlučujući o prijedlogu Tužilaštva BiH, Sud je 21.6.2024. u predmetu **Karwan Kader Hmawmein i dr. (S1 2 K 043889 22 Krn)** prihvatio prijedlog Tužilaštva BiH i donio rješenje kojim je osumnjičenom **Karwanu Kaderu Hmawmeiniju produžen pritvor** za naredna **dva (2) mjeseca**, te isti po ovom rješenju može trajati do **21.8.2024. godine** ili do nove odluke Suda, a sve zbog postojanja posebnog pritvorskog razloga propisanog odredbama člana 132. stav 1. tačke a) ZKPBiH.

PONEDJELJAK, 24. juna 2024. godine

- Na ročištu za izjašnjenje o krivnji održanom 24.6.2024. u predmetu **Ljiljana Burić (S1 3 K 047956 24 Kps)** optužena **Ljiljana Burić** se izjasnila da **nije kriva** za krivično djelo za koje se tereti po optužnici Tužilaštva BiH – krivotvorenje novca iz člana 205. stav 1. Krivičnog zakona Bosne i Hercegovine.

PREDMET	SUDIJA/VIJEĆE	ROČIŠTE
Odjel II Mile Đurić S1 2 K 042763 23 K	<i>Sena Uzunović Mirza Đozo Miroslav Janjić</i>	Nastavak glavnog pretresa
Odjel II Ljubomir Zelenović i dr. S1 2 K 040738 24 K	<i>Izo Tankić</i>	Nastavak glavnog pretresa saslušanjem dva svjedoka i ulaganje materijalnih dokaza odbrane
Odjel II Miloš Kovačević i dr. S1 2 K 045930 23 K	<i>Mirza Đozo Sena Uzunović Miroslav Janjić</i>	Statusna konferencija
Odjel III Armin Bureić S1 3 K 046133 24 Kps	<i>Miroslav Popović</i>	Ročište za izjašnjenje o krivnji – odgođeno
Odjel III Ljiljana Burić S1 3 K 047956 24 Kps	<i>Željka Marenić</i>	Ročište za izjašnjenje o krivnji

UTORAK, 25. juna 2024. godine

- Sud BiH je 25.6.2024. u predmetu **Duško Maletić (S1 3 K 046460 24 Kps)** nakon prihvaćenog sporazuma o priznanju krivnje, donio presudu kojom je optuženi **Duško Maletić oglašen krivim** što je počinio krivično djelo krijumčarenje ljudi iz člana 189. stav 1. Krivičnog zakona Bosne i Hercegovine (KZBiH) u vezi sa članom 26. istog Zakona.

Sud je optuženom za počinjeno krivično djelo izrekao uvjetnu osudu kojom se optuženom utvrđuje kazna zatvora u trajanju od **jedne (1) godine** i istovremeno određuje da se ova kazna neće izvršiti ukoliko optuženi u roku od 2 (dvije) godine od dana pravomoćnosti presude, ne počinu novo krivično djelo.

PREDMET	SUDIJA/VIJEĆE	ROČIŠTE
<p style="text-align: center;">Odjel II Saša Ratković i dr. S1 2 K 044836 23 K</p>	<p style="text-align: center;"><i>Miroslav Janjić</i> <i>Mirza Đozo</i> <i>Sena Uzunović</i></p>	<p>Saslušanje tri svjedoka po prijedlogu Tužilaštva, nastavak izvođenja dokaza iz ANOM aplikacije</p>
<p style="text-align: center;">Odjel III Duško Maletić S1 3 K 046460 24 Kps</p>	<p style="text-align: center;"><i>Vesna Jesenković</i></p>	<p>Razmatranje sporazuma o priznanju krivnje, objava presude</p>

SRIJEDA, 26. juna 2024. godine

PREDMET	SUDIJA/VIJEĆE	ROČIŠTE
<p style="text-align: center;">Odjel I Zijad Kadrić i dr. S1 1 K 044290 23 Kri</p>	<p style="text-align: center;"><i>Braco Stupar</i> <i>Davorin Jukić</i> <i>Lejla Konjić Dragović</i></p>	<p>Saslušanje jednog svjedoka po prijedlogu Tužilaštva</p>
<p style="text-align: center;">Odjel II Vojin Pavlović S1 2 K 047294 24 K</p>	<p style="text-align: center;"><i>Goran Radević</i> <i>Jasmina Ćosić Dedović</i> <i>Hasija Mašović</i></p>	<p>Saslušanje tri svjedoka po prijedlogu Tužilaštva</p>

Odjel I Veljko Brajić i dr. S1 1 K 047174 24 Kri	<i>Braco Stupar</i> <i>Lejla Konjić Dragović</i> <i>Davorin Jukić</i>	Saslušanje jednog svjedoka s mjerama zaštite i čitanje iskaza jednog preminulog svjedoka
Odjel II Željko Primorac i drugi S1 2 K 045144 23 K	<i>Mirza Đozo</i> <i>Sena Uzunović</i> <i>Miroslav Janjić</i>	Ulaganje materijalne dokumentacije odbrane
Odjel II Radovan Damjanović S1 2 K 047599 24 K	<i>Sena Uzunović</i> <i>Miroslav Janjić</i> <i>Mirza Đozo</i>	Saslušanje jednog svjedoka po prijedlogu Tužilaštva
Odjel II Dragan Gajić i dr. S1 2 K 046686 23 K	<i>Jasmina Ćosić Dedović</i> <i>Hasija Mašović</i> <i>Goran Radević</i>	Provođenje dokaza Tužilaštva saslušanjem jednog svjedoka – stručna osoba

ČETVRTAK, 27. juna 2024. godine

- Sud je 27.6.2024. u predmetu **Ajdin Bećirović (S 1 3 K 046487 24 K)** nakon prihvaćenog sporazuma o priznanju krivnje, donio presudu kojom je optuženi **Ajdin Bećirović oglašen krivim** što je počinio krivično djelo krijumčarenje ljudi iz člana 189. stav 1. u vezi s članom 26. Krivičnog zakona Bosne i Hercegovine. Sud je optuženom izrekao **uvjetnu osudu**, kojom se utvrđuje kazna zatvora u trajanju od **jedne (1) godine**, istovremeno određuje da se utvrđena kazna neće izvršiti ukoliko optuženi u roku od dvije (2) godine, od dana pravomoćnosti presude, ne počini novo krivično djelo.

PREDMET	SUDIJA VIJEĆE	ROČIŠTE
Odjel II Ameldina Bostandžija S1 2 K 046338 23 K	<i>Stanko Blagić</i>	Statusna konferencija
Odjel II Danilo Cicović i dr. S1 2 K 028774 18 K	<i>Hasija Mašović</i> <i>Miroslav Popović</i> <i>Stanko Blagić</i>	Saslušanje jednog svjedoka s mjerama zaštite po prijedlogu Tužilaštva
Odjel II Danijel Čale S1 2 K 048221 24 K	<i>Sena Uzunović</i>	Ročiste za razmatranje sporazuma o priznanju krivnje

PETAK, 28. juna 2024. godine

- Sud je 28.6.2024. u predmetu **Sinan Simsek (S1 3 K 048139 24 Eks)** u postupku izručenja potraživanog **Sinana Simseka** po međunarodnoj potjernici NCB Interpola Ankara, Republika Turska, odlučujući po prijedlogu Tužilaštva BiH, donio rješenje kojim je potraživanom **ukinut privremeni pritvor, te određen ekstradicioni pritvor**, koji po ovom rješenju može trajati do izvršenja odluke o izručenju ili do nove odluke ovog Suda, ali najduže šest (6) mjeseci računajući od dana pritvaranja, odnosno do **22.11.2024. godine**.

PREDMET	SUDIJA/VIJEĆE	ROČIŠTE
Odjel I Borislav Gligorević. S1 1 K 045790 23 Kri	<i>Davorin Jukić</i> <i>Lejla Konjić Dragović</i> <i>Braco Stupar</i>	Čitanje iskaza dva svjedoka i ulaganje materijalnih dokaza Tužilaštva
Odjel II Milan Komljenović i dr. S1 2 K 045688 24 K	<i>Stanko Blagić</i>	Saslušanje vještaka i jednog svjedoka po prijedlogu odbrane prvooptuženog
Odjel II Mladenko Andrić S1 2 K 046958 24 K	<i>Hasija Mašović</i>	Početak glavnog pretresa
Odjel III Simsek Sinan S1 3 K 048139 24 Eks	<i>Stanko Blagić</i>	Ekstradicioni postupak

NAJAVE ZA NAREDNU SEDMICU:

Za ponedjeljak, 1.7.2024. godine:

- **Andrija Bjelošević (S1 1 K 042858 22 Kri)** – Ročište za iznošenje završnih riječi Tužilaštva zakazano u 9:00 sati, sudnica 3;
- **Vojin Pavlović (S1 2K 047992 24 Ko)** – Ročište za izjašnjenje o krivnji zakazano u 13:00 sati, sudnica 3.

Za utorak, 2.7.2024. godine:

- **Dragan Petrić i dr. (S1 2 K 037797 24 K)** – Ročište za iznošenje završnih riječi zakazano u 11:00 sati, sudnica 9;
- **Vinko Radović i dr. (S1 1 K 047156 24 Kri)** – Ročište za početak glavnog pretresa zakazano u 09:00 sati, sudnica 4;
- **Željko Radukić (S1 3 K 046314 24 Kps)** – Ročište za izjašnjenje o krivnji zakazano u 13:00 sati, sudnica 5;
- **Mehmed Tekin i dr. (S1 3 K 047705 24 Kps)** – Razmatranje sporazuma o priznanju krivnje zakazano u 13:00 sati, sudnica 7.

Za četvrtak, 4.7.2024. godine:

- **Lazar Ristić i dr. (S1 1 K 047173 24 Kri)** – Ročište za početak glavnog pretresa zakazano u 9:00 sati, sudnica 7.

Za petak, 5.7.2024. godine:

- **Duško Bajić i dr. (S1 2 K 047394 24 K)** – Ročište za početak glavnog pretresa zakazano u 09:00 sati, sudnica 7.

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	2	2
Organizirani kriminal	1	1
Opći kriminal	0	0

Broj održanih ročišta u sudnicama 3-9	21
Broj zahtjeva za izdavanje AV materijala (Odjeljenje za informiranje javnosti)	4

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: pios@sudbih.gov.ba